

Na osnovu člana 18. Zakona o predškolskom odgoju i obrazovanju ("Službene novine Tuzlanskog kantona", broj 10/20 i 5/22), člana 9. Pravilnika o prijemu djece u Ustanovu broj: 2627/2019 i člana 27. Pravila Javne ustanove za predškolski odgoj i obrazovanje "Naše dijete" Tuzla broj 6796/2018 od 20.12.2018. godine, 02-04-978/2021 od 30.03.2021. godine i 02-34-4334/22 od 15.11.2022. godine, te Odluke Upravnog odbora o utvrđivanju kriterija za upis djece broj: 02-04-1755/2023 od 31.05.2023. godine, direktor Ustanove objavljuje

O G L A S

ZA PRIJEM I UPIS DJECE U JAVNU USTANOVU ZA PREDŠKOLSKI ODGOJ I OBRAZOVANJE „NAŠE DIJETE“ ZA PEDAGOŠKU 2023/2024. GODINU

Poštovani roditelji,

Obavještavamo Vas da od 01.06.2023.godine počinje upisni rok u Javnu ustanovu za predškolski odgoj i obrazovanje "Naše dijete" Tuzla i traje do 15.06.2023.godine.
Zbog velikog interesovanja korisnika za korištenje naših usluga, molimo da na vrijeme podnesete zahtjev i osigurate mjesto za Vaše mališane.

I Upis se vrši u vrtiće: Pčelica, Poletarac, Jelenko, Ciciban, Bambi, Zeko, Snjeguljica, Lastavica, Kolibri, Sunčica, Zvončica i Zvezdica (Novo naselje, Solina):

1. Cjelodnevni boravak u radnom vremenu od 06,00-17,00 sati će se organizovati u svim vrtićima.
2. Poludnevni boravak u radnom vremenu od 07,00-12,00 ili od 08,00-13,00 sati koji će se odvijati u svim vrtićima iz tačke I ovog stava, osim za djecu u Programu produženog boravka.
3. U skladu sa raspoloživim kapacitetima Produženi boravak za djecu prvog razreda osnovne škole će biti organizovan u vrtićima, kako slijedi:
 - Vrtić Pčelica - za osnovnu školu „Tušanj“
 - Vrtić Sunčica - za osnovnu školu „Brčanska Malta“
 - Vrtić Kolibri - za osnovnu školu „Jala“ i osnovnu školu „Novi Grad“
 - Vrtić Lastavica - za osnovnu školu „Centar“ i osnovnu školu „Katolički školski centar Sveti Franjo“
 - Vrtić Zeko - za osnovnu školu „Novi Grad“
 - Vrtić Jelenko - za osnovnu školu „Mejdan“
 - Vrtić Ciciban - za osnovnu školu „Miladije“
 - Vrtić Poletarac - za osnovnu školu „Pazar“
 - Vrtić Zvončica - za osnovnu školu „Gornja Tuzla“

Odgojne grupe će biti formirane u skladu sa Pedagoškim standardima vodeći računa o brojnosti i uzrastu djece.

II Programi iz tačke 1. i tačke 2. prethodnog stava će biti organizovan kao:

- **Jasličke grupe (djeca uzrasta od 6 mjeseci do 3 godine)** u vrtićima: Pčelica (naselje Irac), Poletarac (naselje Slatina), Sunčica (naselje Brčanska Malta), Kolibri (naselje Stupine), Snjeguljica (naselje Bulevar), Jelenko (naselje Mosnik) i Bambi (preko puta Hotela „Melain“);
- **Vrtićke grupe (djeca uzrasta od 3 godine do polaska u osnovnu školu)** u svim vrtićima Ustanove, osim u vrtiću Snjeguljica (naselje Bulevar).

III U okviru dnevnog boravka realizovat će se Cjeloviti razvojni program i program Produženog boravka za djecu prvog razreda osnovne škole.

IV Na oglas se mogu prijaviti zainteresovani roditelji koji žele koristiti usluge Javne ustanove za predškolski odgoj i obrazovanje „Naše dijete“ Tuzla od 01.09.2023. godine.

V Potrebna dokumentacija:

Za ranije korisnike usluga obavezna je sljedeća dokumentacija:

1. Uredno popunjen obrazac Zahtjeva za upis – (koji je u prilogu oglasa)
2. CIPS obrazac za roditelja/podnosioca zahtjeva (Original ili ovjerena kopija)

Za djecu koja se upisuju prvi put obavezna je sljedeća dokumentacija:

1. Uredno popunjen obrazac Zahtjeva za upis – (koji je u prilogu oglasa)
2. Izvod iz matične knjige rođenih za dijete/djecu (orginal ili ovjerena kopija)
3. CIPS obrazac za dijete (orginal ili ovjerena fotokopija)

4. CIPS obrazac za roditelja/podnosioca zahtjeva

Prioritet kod prijema i dodatna dokumentacija kojom se dokazuju prednosti pri upisu

1. Prioritet kod prijema imaju:
 - a) djeca uzrasta od 6 mjeseci do polaska u školu (djeca predškolske dobi)
 - b) djeca predškolskog uzrasta koja su u prethodnoj godini redovno koristila usluge, te ranije nije vršen raskid ugovora radi nepoštivanja ugovorenih obaveza od strane korisnika usluga i djeca podnosioca prijave za upis koji nemaju neizmirenih obaveza na dan 31.05. tekuće godine, osim u okolnostima koje nisu uzrokovane krivicom Ustanove ili korisnika usluga (stanje nesreće, pandemija, havarija i sl.), a utiču na relevantnost datog podatka, gdje će se samo uzimati u obzir podatak o upisanoj djeci sa 31.5. tekuće godine." - dokumentacija i arhiva JU „Naše dijete“ Tuzla;
 - c) djeca bez roditeljskog staranja - uvjerenje Centra za socijalni rad o pripadanju kategoriji;
 - d) djeca samohranog roditelja - smrtni list ili rješenje nadležnih organa u pogledu dokazivanja
 - e) djeca roditelja kojima je priznat status neke od kategorija po osnovu dopunskih prava boraca i članova njihovih porodica u skladu sa Zakonom o pravima boraca i članova njihovih porodica, civilnih žrtava rata, ratnih invalida – Rješenje općinskih službi za boračka pitanja o dokazivanju statusa;
 - f) roditelji sa dvoje ili više djece-dokumentacija i arhiva JU „Naše dijete“ Tuzla ;
 - g) djeca koja se nalaze na listi čekanja na dan 31.05. tekuće godine - dokumentacija i arhiva JU „Naše dijete“ Tuzla ;
 - h) djeca koja imaju prebivalište u općini u kojoj se nalazi vrtić - obrazac prebivališta CIPS ili PBA3 obrazac.
2. Radi ostvarivanja prava prvenstva i bodovanja po određenom kriteriju, osim iz tačke a) i e), podnosilac zahtjeva se obavezuje za blagovremeno dostavljanje relevantnih dokaza preciziranih javnim pozivom u tu svrhu.
3. Kriterije iz tačke a) i e) provjerava Komisija prilikom analize i bodovanja svakog zahtjeva za upis djeteta pojedinačno prema službenim evidencijama davaoca usluga (Ustanove).

VI Prijem djece će se izvršiti u skladu sa odredbama Pravila Ustanove i Pravilnika o prijemu djece u Javnu Ustanovu za predškolski odgoj i obrazovanje „Naše dijete“ Tuzla i Odluke Upravnog odbora Ustanove o utvrđivanju kriterija za upis i prijem djece u predškolsku ustanovu.

U slučaju nedostavljanja traženih dokaza podnosilac zahtjeva ne ostvaruje prednost pri upisu po datom kriteriju iz tačke 5.

VII Oglas ostaje otvoren do 15.06.2023. godine. Podnosioci čiji zahtjevi nisu odobreni zbog prekobrojnosti, a ispunjavaju sve formalno-pravne uslove teksta Javnog oglasa uvrštavaju se na listu čekanja te se razmatraju i rješavaju tokom godine u koliko se pojave slobodna mjesta u željenom vrtiću.

VIII Prijave sa potpunom dokumentacijom dostaviti u Službu za opšte i pravne poslove Ustanove, vrtić "Pčelica", ul. Krečanska broj 3. (naselje Irac) u Tuzli (od 07,00 – 16,00 sati).

IX Nepotpune i neblagovremene prijave neće se uzeti u razmatranje.

X Podnosioci koji nisu zadovoljni Odlukom komisije mogu uložiti žalbu Upravnom odboru Ustanove u roku od osam (8) dana od dana objave rezultata.

Za sve dodatne informacije molimo da nas kontaktirate na tel: 035 369-921 i 035 369-928.

**JAVNA USTANOVA ZA PREDŠKOLSKI
ODGOJ I OBRAZOVANJE
"NAŠE DIJETE" TUZLA**



DIREKTOR

Sanja Karić
Sanja Karić, dipl.iur.

Broj: 01-34-1772/2023

Datum: 01.06.2023. godine